

NOBILISSIMO ET CLARISSIMO D. DOMINO ERRICO
MEMMIO, DOMINO DIRVAL, REGIS IN INTERIORE
CONCESSV CONSILIARIO, PROPRAETORI VRBANO,
AC DECVRIONVM PREFECTO &c: Nicolaus Regnier.

Non peccaui in tuam virtutem (Vir clarissime) dum hos medicinae fructus deformatos tibi, tanquam solis radijs, ut ab eius almo calore maturitatem iuxta, et dulcedinem nanciscantur, offero, cum te omnes publicae sanitatis vindicem, & quasi tutelarem deum agnoscant, qui nuperrime hiscenti, et gliscenti hydrae, lui pestiferae singulari prudentia, ac vigilantia, tanquam Aesculapij claua accinctus, obstitisti, cuius ad miraculum tuae virtutis stupent, qui eam ex altiori loco contemplantur, quem hodie Horta dea pro templo videtur habitare, quae semper ad opem, vel consilium patebat: Debui sane tibi, cui vniuersa ciuitas tam multa Pro nuper restituta sanitate publica: ¹het, ego nunc in sanitatis publica, et priuata restituenda, et conseruanda scientia addiscenda instructus, tibi publice conseruatori, publice gratulor, priuatimque hos meorum in arte medica laborum primos conatus, ut mea singularis erga te obseruantia, quamuis exile monimentum offerre, quos iam nunc promo, tibi que (Vir clarissime) ex antiqua formula L. M. Q. Dico, dono, dedico, atque hoc ardentis erga tuam virtutem ilicium apud me reliquit. et publica, et priuata tuae integritatis, prudentiae, munificentiae fama, cui prolixius recensenda supersedeo, quod norim praconio meo ultra ijs addi nihil posse: Huncce interim animum meum tui cupientissimum, nomini tuo totum, totum deuoueo, perenne hoc statuens.



Nostri monumentum & pignus amoris.

Vale.

187

AD QVODLIBETARIAM.

QVÆSTIO MEDICA MATVTINIS AGITANDA DIS- PVTATIONIBVS IN SCHOLIS MEDICORVM DIE IOVIS XXIII. IANVARII, M. GASPARE BRAIER DOCTORE MEDICO MODERATORE.

An à pramatura venere sterilitas?

587

NATVRA diuina quædam vis per vniuersum diffusa, rerumq; sensibilem formationis principium, hominem in indiuiduo non fecit immortalem, siue quod ita postulare decus vniuersi, siue quod materia necessitas impediret: (est enim *αὐτῆς* æternitatis, *ἐκείνης* interitus causa); at in specie voluit ipsum perdurare, quæ singulorum perenni successione conseruatur: hæc vero perpetuatur iugi, & indefinente procreatione, adeo vt *δυνάμει* *συντινὴς* omnium quidem postrema sed nobilissima, in eum finem viuientibus à natura insita esse videatur, vt sui defectum supplerent, dum parentes in liberis perfectius, quam artifices in suis operibus viuunt, atque renouantur.

EACVLTA generatrix nullatenus lapidibus, obscure plantis, quæ sine conzressu progignunt, nulloque sexus discrimine, At manifeste animalibus concessa est, quæ iucundo maris & feminae complexu sobolescent, mare quidem in alio, femina vero in seipsa generante, utroque prolificum, animatumque semen ad generationem conferente, illo tamen potentius, hac imbecillius, ac ne mola quidem absque eorum miscella generari potest: semen autem omnium partium istam in se continens, præter spumolam *σπῆλαιαν*, spiritum proprium vitali calore perfusum includit, quem vt & spumolam corpulentiam, ex reliquijs vltimi alimenti, & ex singulis corporis partibus, tanquam materiam principes testes, & indiuiduo, & speciei necessarij alliciunt, eique nobilè vim illam *ἀφ' ὧν ἡ γένεσις*, seu fecunditatè, quæ seminis forma est, impertiunt.

ENIMVERO ad generationem præter fecundi, perfectèque elaborati seminis (quale est substantia, & colore *χαρὰν* *ὑγρὸν*, temperamento calidum humidum, pondere leue) abundantiam: instrumentorum non modo genitalium, sed & principum laudabilis conformatio, atque robur requiritur, penis in constanter arrigendo, & semine conferim externendo, vt in eodem excipiendo, retinendo, fouendo, vt penis obliquitas, indecens magnitudo, vel sub cane perforatio in hypospadiazis sterilitatis causa: sic & vtteri angustia, contortio, obstructio, imò quæ frigidos & densos habent vtros, aut præhumidos, vel sicciore, & æstuolos non concipiunt, sed quæ ex vtriusque moderationem nascæ sunt, locumque temperatiorem.

IN veneris vtilitate definienda temperamenti, ætatis, temporis habenda ratio. Aptissima veneri temperies calida humida, calidæ sicca, frigida sicca noxia, parca tamen melancholicis commoda, morbis à pituita venus medetur. Ætate florentibus exercenda, pueris, puberibus, adolecentibus, maximè senibus execranda. Ver cæteris temporibus commodius, quo etiam bruta in furias ignisque ruunt: Æstas mulieribus, hyems viris procacior: estne post somnum potius quam antè, liberis danda opera? Veneris tempestiua multa sunt commoda, tristitia & dispnoea depulsio, somni conciliatio, prolis susceptio: intempestiua corporis languor, virium exolutio comes est, vitæ grauissimæ articulorum, neruorum, sensuumque affectibus stipata breuitas, animalia salaciora sunt *μυρσιώτερα*.

VENEREM tamen præmaturam deteriores sequuntur affectus quam immoderatam, illa enim qualis ante pubertatem censetur, non modo totius corporis incrementum arceat, (quanquam ipsum initio accelerare videatur) sed & natium calorem minuit, cuti floridæ pallorem inducit, propriumque partibus omnibus alimentum detrahendo habitum extenuat, summam ipsis generationis organis imbecillitatem affert, meramque officij priuationem: ex quibus fit vt postea, vel leuiori conatu, pro semine sanguis, aut si semen illud ipsum infecundum, & aquosum, non *ἀσπῆλαιον*, sed pigro lapsu, pudendo lachrymante stillet potius quam profundatur, affectus affinis gonorrhææ (cui, & virulentæ priscis incognita, saphenæ, & basilicæ sectio potius, quam guaiaci decoctum terebinthina prodest) quodquidem semen vtterus non excipiat, aut exceptum statim propter fluxilitatem elabi sinat, vnde frustratum opus generationis, sterilitas.

Ergo à pramatura venere sterilitas.

Asserebat NICOLAUS REGNIER Parisinus Anno R. S. H. 1619.

DOMINI DOCTORES DISPVATVRI.

M. Ioannes Dossier.

M. Renatus Moreau.

M. Jacobus Perreau.

M. Guillelmus Gerbault.

M. Franciscus L'espicier.

M. Franciscus le Sage, M. R.

M. Michael Tontain.

M. Robertus le Secq.

M. Simon le Tellier. M. R.

